



DET KONGELEGE
JUSTIS- OG POLITIDEPARTEMENT

St.prp. nr. 12

(2006–2007)

Om endringer på statsbudsjettet for 2006 under diverse kapittel administrerte av Justis- og politidepartementet

*Tilråding frå Justis- og politidepartementet av 24. november 2006,
godkjend i statsråd same dagen.
(Regjeringa Stoltenberg II)*

1 Innleiing

Justis- og politidepartementet legg i denne proposisjonen fram forslag om endringer i løyvingane under diverse kapittel i statsbudsjettet for 2006. Endringsforslaga på nokre av dei regelbundne postane er mellom anna baserte på rekneskapstal pr. 30.09.2006. Departementet vil understreke at tala for forbruk på dei regelbundne postane berre er prognosar, og at dei endelege rekneskapstala kan avvike ein del frå desse prognosane.

2 Forslag om endringar

Kap. 410 Tingrettane og lagmannsrettane

Post 01 Driftsutgifter, kan nyttast under kap. 412, post 01

Domstoladministrasjonen tok over det administrative ansvaret for jordskifterettane frå Landbruks- og matdepartementet frå 01.01.2006. Det er tidlegare vedteke at jordskifterettane skal over på tilsvarende IKT-plattform som domstolane. Dette arbeidet blei starta i 2005. Den nye IKT-plattformen er berekna å koste totalt 20 mill. kr, og skulle dekkjast av Landbruks- og matdepartementet. Av dette blei 10 mill. kr stilt til disposisjon for Justisdepartementet i samband med revidert nasjonal-

budsjett for 2005 og 3 mill. kr blei overført frå Landbruks- og matdepartementet til Justisdepartementet for 2006. Dei resterande 7 mill. kr skulle overførast i løpet av 2006. I revidert nasjonalbudsjett for 2006 blei 5,7 mill. kr overført, og det blei lagt opp til at restbeløpet på 1,3 mill. kr skulle overførast i samband med endringane av løyvinga i haustsesjonen 2006.

På denne bakgrunn blir det foreslått å auke løyvinga under kap. 410, post 01 med 1,3 mill. kr mot tilsvarende reduksjon på Landbruks- og matdepartementet sitt kap. 1149, post 71.

Post 21 Spesielle driftsutgifter

Løyvinga på posten dekkjer utgifter som etter rettsgebyrlova er inkluderte i rettsgebyret. Forbruket på posten er knytt til antal og omfang av saker, og er derfor ikkje styrbar.

I budsjettframlegget for 2006 blei det lagt til grunn ikraftsetjing av endringar i Ot.prp. nr. 108 (2004-2005) Om lov om endringar i lov 8. juni 1984 om gjeldsforhandling og konkurs og andre lover (elektronisk kommunikasjon mv.) frå 1. juli 2007. Endringane trådte i kraft frå 1. februar 2006, og vil derfor gi om lag 3,8 mill. kr høgare innsparing på posten i 2006 enn budsjettet.

I tillegg er det generelt pårekna et lågare forbruk på posten på om lag 8,2 mill. kr i 2006.

Særskilt vedlegg: Erstatning til etterlatne etter de omkomne i Mehamn-ulykka

**Kap. 410, 414, 430, 440, 441, 460,
466, 468, 470, 471, 472, 474,
475, 3410, 5630, 3440, 3470, 3474**

Samla blir det derfor foreslått å redusere løyvinga på kap. 410, post 01 med 12 mill. kr.

Kap. 414 Domsutgifter

Post 21 Spesielle driftsutgifter

Løyvinga på posten dekkjer utgifter til godtgjersle til medlemmer av forliksråd og kompetansehevande tiltak i form av kurs.

Etter budsjettframlegget på posten for 2006 blei det i desember 2005 gjort nokre endringar i regla for godtgjersler for medlemma i forliksråda.

Antal saker i forliksråda er pårekna å bli langt fleire enn berekna som følgje av ikraftsetjinga av reforma om den sivile rettspleie på grunnplanet frå 1. januar 2006. Det blei derfor i februar 2006 gjort ytterlegare endring i form av nedjustering av satsen for godtgjersle til medlemma av forliksråda. På bakgrunn av rekneskapstal og pårekna utvikling blir det, ut frå noko usikre anslag, foreslått å redusere løyvinga under kap. 414, post 21 med 20 mill. kr.

Kap. 3410 Rettsgebyr

Post 01 Rettsgebyr

Løyvinga på posten dekkjer inntekter i samband med sivile saker, tinglysing, skjønn, skifte, konkurs m.m. Inntektene er regelbundne. På bakgrunn av rekneskapstal hittil i år og pårekna utvikling blir det foreslått å auke løyvinga under kap. 3410, post 01 med 60 mill. kr.

Kap. 5630 Aksjar i Norsk Egedomsinformasjon as

Post 80 Utbytte

Gjeldande løyving på posten i 2006 er 6,8 mill. kr. På generalforsamlinga til Norsk Egedomsinformasjon as våren 2006 blei det vedteke eit utbytte på 10,36 mill. kr i 2006. På denne bakgrunn blir det foreslått å auke løyvinga på kap. 5630, post 80 med 3,56 mill. kr

Kap 430 Kriminalomsorga si sentrale forvaltning

Post 60 Refusjonar til kommunane, forvaringsdømte o.a., kan overførast

Rekneskapstal hittil i år viser at utbetalingane til refusjonar til kommunale omsorgstiltak for prøve-løslatte frå forvaring, psykisk utviklingshemma med sikringsdom og varetektssurrogat er blitt lågare enn tidlegare lagt til grunn. Det blir foreslått å redusere løyvinga med 10 mill. kr under kap. 430, post 60.

Kap. 440 Politidirektoratet – politi- og lensmannsetaten

Post 01 Driftsutgifter, kan nyttast under kap. 441, post 01

NOKAS-saka

Det blei hausten 2005, jf. St.prp. nr. 76 (2004-2005) og Innst. S. nr. 52 (2005-2006) gitt ei ekstra løyving mellom anna til dekning av meirutgifter i politiet på om lag 15 mill. kr i samband med Stavanger tingrett si behandling av Nokas-saka. Behandlinga av Nokas-saka i tingretten strakk seg ut i første del av 2006 og har blitt meir kostnadskevande enn forutsett. Opprinneleg var det planlagt å nytta dei ubrukte overførte midla frå 2005 til dette føremålet, men dette var ikkje tilstrekkeleg. Oppdaterte tal viser meirkostnader på 6,5 mill. kr knytt til behandlinga i tingretten. Justisdepartementet foreslår derfor at kap. 440, post 01 blir auka med 6,5 mill. kr.

Gebyr utlendingsaker

Justisdepartementet har fått fullmakt til å overskride løyvinga på kap. 440, post 01 mot tilsvarende meirinntekter på kap. 3440, post 06. Det blir derfor foreslått å auke løyvinga på kap. 440, post 01 med 4,8 mill. kr sjå omtalen under kap. 3440, post 06 Gebyr.

Investeringar

Det er viktig at dei tilsette i politi- og lensmannsetaten har utstyr som gjev tilstrekkeleg tryggleik når dei skal løyse oppdrag. Utviklinga i samfunnet krev også utstyr slik at ein kan ta i bruk nødvendige metodar for mellom anna å kjempe mot den organiserte kriminaliteten. Regjeringa foreslår å auke løyvinga til innkjøp av utstyr i politi- og lensmannsetaten med 3 mill. kr under kap. 440 post 01.

I tillegg har Politidirektoratet opplyst at dei innanfor eksisterande rammer har funne rom til å framskande kjøp av pistolar i 2006 for om lag 30 mill. kr. Dette vil bli dekkja sentralt slik at ikkje politidistrikta blir belasta. Dette gjeld også Oslo politidistrikt. Mindre tilleggsutgifter til pistolar som til dømes belter må politidistrikta dekkje skjølve. I tillegg skal det omprioriterast omlag 11 mill. kr til investeringar i utstyr, særleg til kommunikasjonskontroll, men også til nokre investeringar i PST. Samla utgjør desse investeringane omlag 44 mill. kr.

Samla vert det foreslått å auke løyvinga på kap. 440, post 01 med 14,3 mill. kr.

Post 21 Spesielle driftsutgifter

Posten dekkjer politi- og lensmannsetaten sine sideutgifter i samanheng med asylsaker, mellom

anna utgifter til uttransportering i asylsaker og andre utlendingssaker.

I budsjettet for 2006 er det lagt til grunn uttransportering av 3500 asylsøkjere med endeleg avslag.

Politiet har til no i år uttransportert færre personar frå landet enn planlagt. Dette skuldast ei rekke forhold. Mellom anna har det vore problem knytta til returar til fleire land som Irak, Afghanistan, Somalia, Etiopia og Eritrea. Målalet for antal uttransporterte personar i 2006 vil derfor ikkje bli nådd, og forbruket på posten blir derfor lågare enn forventa. Med bakgrunn i den låge effektueringa ligg det an til ei innsparing på posten. Justisdepartementet foreslår å redusere løyvinga på kap. 440, post 21 med 24 mill. kr.

Post 22 Søk etter omkomne på havet, i innsjøar og vassdrag

Med bakgrunn i rekneskapstala hittil i år foreslår Justisdepartementet å redusere løyvinga på kap. 440, post 22 med 3 mill. kr.

Ny post 72 Tilskot til Det mosaiske trussamfund

Natt til 17. september 2006 vart det avfyrt skarpe skot mot den jødiske synagogen i Oslo. Dette viser eit behov for tryggleikstiltak for det mosaiske trussamfunnet. Regjeringa har derfor funne det riktig å løyve 4,948 mill. kr til eingangsinvesteringar i tryggleikstiltak på kap. 440, ny post 72.

Kap. 3440 Politidirektoratet – politi- og lensmannsetaten

Post 01 Gebyr

På bakgrunn av rekneskapstala hittil i år, og venta utvikling for passinntektene foreslår Justisdepartementet å auke løyvinga på kap. 3440, post 01 med 10 mill. kr.

Post 04 Gebyr vaktelskap

På bakgrunn av rekneskapstala hittil i år, og venta utvikling på posten foreslår Justisdepartementet å redusere løyvinga på kap. 3440, post 04 med 0,5 mill. kr.

Post 06 Gebyr - utlendingssaker

På bakgrunn av rekneskapstala hittil i år, og venta utvikling for inntektene på søknader om statsborgarskap, opphalds-, arbeids- og busettjingsløyver foreslår Justisdepartementet å auke løyvinga på kap. 3440, post 06 med 6 mill. kr, jf. omtale under kap. 440, post 01.

Post 07 Gebyr – sivile gjeremål

Ansvarer for den sivile rettspleia på grunnplanet vart overført til politi- og lensmannsetaten frå 1. januar 2006. Samstundes vart dei nye reglane som direkte tvangsinndrivning av krav som er uimotsagte, gjort gjeldande. Ved utrekninga av dei økonomiske konsekvensane vart føresetnadene i Ot.prp. nr. 43 (2003-2004) Om lov om endringer i rettergangslovgivningen m.m. (organiseringen av den sivile rettspleie på grunnplanet) lagt til grunn.

Utviklinga i 2006 viser at det er ein nedgang i talet på tvangsforretningar i høve til tidlegare år, noko som truleg har samanheng med at den norske økonomien er inne i ein høgkonjunktur. Vidare viser det seg at direkte tvangsinndrivning er teke i bruk i liten grad, noko det fortsatt høge talet på saker i forliksråda indikerer jf. omtale under kap. 414, post 21. Årsaka er truleg mellom anna den store auken i gebyret for tvangs- og utleggsforretningar dei seinare åra (blitt relativt rimelegare å bruke forliksråd), og at foreldingsfrista er lengre (10 år) for saker med forliksrådsdom. Politidirektoratet er gitt i oppdrag å vurdere moglege tiltak som kan bidra til at reforma i større grad får tilsikta effekt. Saman med den foreslåtte reduksjonen i gebyra for utleggsforretningar i 2007 er det påreknat at reforma vil få betre effekt i 2007. Ved inntektsoverslaga for nye gebyr vart verknaden for eit heilt år berekna. Gebyr i desse sakene vert betalte på etterskot, jf. lov om rettsgebyr § 14. Det blir derfor eit etterslep på nokre månader før gebyra blir innbetalte og ført i rekneskapen. Av desse grunnane blir det foreslått å redusere løyvinga med 250 mill. kr under kap. 3440, post 07.

Kap. 441 Oslo politidistrikt

Post 01 Driftsutgifter, kan nyttast under kap. 440, post 01

Gebyr utlendingssaker

Det blir vist til omtalen under kap. 3440, post 06 Gebyr. Justisdepartementet har fått fullmakt til å overskride løyvinga på kap. 441, post 01 mot tilsvarende meirinntekter på kap. 3440, post 06. Det blir derfor foreslått å auke løyvinga på kap. 440, post 01 med 1,2 mill. kr.

Kap. 460 Spesialeininga for politisaker

Post 01 Driftsutgifter

I samband med utvikling av elektronisk saksbehandlingsverktøy for Spesialeininga for politisaker blir det foreslått å auke løyvinga under kap. 460, post 01 med 0,9 mill. kr i 2006.

Kap. 466 Særskilte straffesaksutgifter m.m.

Post 01 Driftsutgifter

Løyvinga på posten dekkjer utgifter til advokatar, sakkunnige og tolkar i straffesaker etter straffeprosesslova kapittel 9. Dei totale utgiftene på kapitlet avhenger av talet på straffesaker, omfanget av sakene og storleiken på den offentlege salærsatsen. Utgiftene på posten er regelbundne.

På bakgrunn av rekneskapstal og pårekna utvikling blir det foreslått å redusere løyvinga under kap. 466, post 01 med 40 mill. kr.

Kap. 468 Kommisjonen for gjenopptaking av straffesaker

Post 01 Driftsutgifter

I samband med utvikling av elektronisk saksbehandlingsverktøy og tilsetjing av to midlertidige stillingar i Kommisjonen for gjenopptaking av straffesaker blir det foreslått å auke løyvinga under kap. 468, post 01 med 0,975 mill. kr.

Kap. 470 Fri rettshjelp

Post 70 Fri sakførsel

Løyvinga på posten dekkjer utgifter til advokatar der det er gjeve heil eller delvis fri sakførsel. Utgiftene er regelbundne.

På bakgrunn av rekneskapstal hittil i år og pårekna utvikling blir det foreslått å redusere løyvinga under kap. 470, post 70 med 5 mill. kr.

Post 71 Fritt rettsråd

Løyvinga på posten dekkjer utgifter til advokatar og rettshjelparar i saker der det er gjeve fritt rettsråd. Utgiftene er regelbundne. På bakgrunn av rekneskapstal hittil i år og pårekna utvikling blir det foreslått å redusere løyvinga under kap. 470, post 71 med 45 mill. kr.

Post 72 Tilskudd til spesielle rettshjelpstiltak

I samband med at behandlinga av klagesaker etter lov om fri rettshjelp blei overført frå Justisdepartementet til Justissekretariata med verknad frå 01.09.2006, blir det foreslått å redusere løyvinga på kap. 470, post 72 med 1 mill. kr mot ein tilsvarande auke på kap. 472, pst 01, jf. omtale under kap. 472, post 01.

Kap. 3470 Fri rettshjelp

Post 01 Tilkjende saksomkostningar m.m.

Saksomkostningar tilkjente staten i benefiserte saker først under posten. Inntektene er regel-

bundne. På bakgrunn av rekneskapstal og pårekna utvikling blir det foreslått å oppjustere løyvinga under kap. 3470, post 01 med 1 mill. kr.

Kap. 471 Staten sitt erstatningsansvar

Post 70 Erstatning til valdsofre, overslagsløyving

Løyvinga på posten er regelbunden overslagsløyving og dekkjer erstatningar etter voldsofferlova. På bakgrunn av rekneskapstal hittil i år og pårekna utvikling blir det foreslått å auke løyvinga under kap. 471, post 70 med 15 mill. kr.

Post 71 Erstatningsansvar m.m., overslagsløyving

Løyvinga på posten dekkjer utbetalingar som følgje av staten sitt erstatningsansvar på grunnlag av alminnelege erstatningsreglar, med unntak av ansvar i kontraktforhold og ansvar i samband med forretningsdrifta til staten. Løyvinga på posten er regelbunden, og har stikkordet overslagsløyving. På bakgrunn av rekneskapstal hittil i år og pårekna utvikling blir det foreslått å auke løyvinga under kap. 471, post 71 med 25 mill. kr.

(Ny) Post 74, Erstatning til etterlatne etter dei omkomne i Mehamn-ulykka, kan overførast

Stortinget gjorde 02.05.2006 vedtak nr. 332 om å be Regjeringa etablera ei særskilt erstatningsordning for etterlatne etter Mehamn-ulykka og vedtak nr. 333 om å be Regjeringa oppnemne ei eiga nemnd som får som oppgåve å fastsetja erstatningsbeløp og definere kven som skal omfattast av ordninga. Til grunn for vedtaket låg behandling av Innst. S. nr. 125 (2005-2006), Dokument nr. 24 (2004-2005) Rapport frå Stortingets granskingskommissjon for luftfartsulykka med Twin Otter LN-BNK nær Gamvik 11. mars 1982 (Hovedrapport).

På denne bakgrunn oppnemnde Regjeringa i juni 2006 ei nemnd, som avga si innstilling til departementet i oktober 2006. Nemnda foreslår i innstillinga at dei etterlatne skal få erstatning på til saman 8,75 mill. kr, fordelt på totalt 69 etterlatne med beløp frå 50 000 til 200 000 kr.

Nemnda foreslår vidare at to av dei etterlatne skal få ei tilleggserstatning på 150 000 kr, og at tre av dei etterlatne skal få ei tilleggserstatning på 100 000 kr og at fire av dei etterlatne skal få ei tilleggserstatning på 50 000 kr. Nemnda si endelege innstilling er vedlagt proposisjonen.

I tråd med nemnda si innstilling blir det foreslått å løyve 8,75 mill. kr på kap. 471, ny post 74 til erstatningsutbetalingar til dei etterlatne etter dei som omkom i Mehamn-ulykka. Av praktiske omsyn blir det foreslått å gje posten stikkordet «kan overførast».

Kap. 472 Administrasjon av særskilte erstatningsordningar m.m.*Post 01 Driftsutgifter*

I samband med at behandlinga av klagesaker etter lov om fri retts hjelp blei overført frå Justisdepartementet til Justissekretariata med verknad frå 01.09.2006, blir det foreslått å auke løyvinga på kap. 472, post 01 med 1 mill. kr mot ein tilsvarende reduksjon på kap. 470, post 72, jf. omtale under kap. 470, post 72.

Kap. 474/3474 Konfliktråd*Post 01 Driftsutgifter/02 Refusjonar*

Konfliktråda held seminar og tek på seg oppdrag som kursopplæring i skolemekling eller for straffedømde og prosjekt med familiemekling o.a. I slike tilfelle tek konfliktråda betalt for utgiftene dei pådrar seg. På grunn av høgare kursverksemd enn lagt til grunn, er det pårekna høgare refusjonsinntekter på kap. 3474, post 02 i 2006. Det blir på denne bakgrunn foreslått å auke løyvinga på kap. 474, post 01 og kap. 3474, post 02 med 0,6 mill. kr.

Kap. 475 Bobehandling*Post 01 Driftsutgifter*

Løyvinga på posten dekkjer dei regelstyrte utgiftene til staten i samband med behandlinga av saker om tvangsopplausing av aksjeselskap og saker om konkurs etter konkurslova § 73.

På bakgrunn av rekneskapstal og pårekna utlikling blir det foreslått å redusere løyvinga under kap. 475, post 01 med 10 mill. kr.

Andre saker

Stykkprisforskrifta si bestemming om fengslingsforlengingar ved kontorforretning- orskurd frå kjæremålsutvalet i Høgsterett

I budsjettet for 2006 er det lagt til grunn ei innsparing på 38,26 mill. kr som følgje av endringane i reglane om stykkprisgodtgjersle til advokatar som trådde i kraft 01.01.2006. Ein del av innsparingane gjaldt innføringa av ei stykkprisordning for forsvararbistand ved fengslingar og innebar mellom anna at forsvarar ikkje skulle honorerast særskild for fengslingsforlengingar som går som kontorforretning (utan rettsmøte). Den 04.09.2006 gav kjæremålsutvalet i Høgsterett ein orskurd der det blei lagt til grunn at fengslingsforlengingar som går som kontorforretningar skal honorerast på same måte som fengslingsforlengingar i rettsmøtar på inntil ein time (med ein stykkpris på to timar). Orskurden til Høgsterett inneber årlege meirutgifter på ca. 2,8 mill. kr i forhold til dei innsparingar som blei lagt til grunn i 2006.

Justis- og politidepartementet

tilrår:

At Dykkar Majestet godkjenner og skriv under eit framlagt forslag til proposisjon til Stortinget om endringar på statsbudsjettet for 2006 under diverse kapittel administrerte av Justis- og politidepartementet.

Vi HARALD, Noregs Konge,

stadfester:

Stortinget blir bedt om å gjere vedtak om endringar på statsbudsjettet for 2006 under diverse kapittel administrerte av Justis- og politidepartementet i samsvar med eit vedlagt forslag.

Forslag
til vedtak om endringer på statsbudsjettet for 2006
under diverse kapittel administrerte av
Justis- og politidepartementet

Utgifter:

Kap.	Post	Formål	Kroner
410		Tingrettene og lagmannsrettene (jf. kap. 3410)	
	01	Driftsutgifter, <i>kan nyttes under kap. 412, post 01</i> , forhøyes med.....	1 300 000
		fra kr 1 318 064 000 til kr 1 319 364 000	
	21	Spesielle driftsutgifter, nedsettes med.....	12 000 000
		fra kr 45 598 000 til kr 33 598 000	
414		Forliksråd og andre domsutgifter	
	21	Spesielle driftsutgifter, nedsettes med.....	20 000 000
		fra kr 56 700 000 til kr 36 700 000	
430		Kriminalomsorgens sentrale forvaltning (jf. kap. 3430)	
	60	Refusjoner til kommunene, forvaringsdømte mv., <i>kan overføres</i> , nedsettes med.....	10 000 000
		fra kr 35 078 000 til kr 25 078 000	
440		Politidirektoratet - politi- og lensmannsetaten (jf. kap. 3440)	
	01	Driftsutgifter, <i>kan nyttes under kap. 441, post 01</i> , forhøyes med.....	14 300 000
		fra kr 7 105 061 000 til kr 7 119 361 000	
	21	Spesielle driftsutgifter, nedsettes med	24 000 000
		fra kr 96 920 000 til kr 72 920 000	
	22	Søk etter omkomne på havet, i innsjøer og vassdrag, <i>kan overføres</i> , nedsettes med.....	3 000 000
		fra kr 7 006 000 til kr 4 006 000	
(NY)	72	Tilskudd til Det mosaiske trossamfunn, bevilges med.....	4 948 000
441		Oslo politidistrikt (jf. kap. 3441)	
	01	Driftsutgifter, <i>kan nyttes under kap. 440, post 01</i> , forhøyes med.....	1 200 000
		fra kr 1 378 675 000 til kr 1 379 875 000	
460		Spesialenheten for politisaker (jf. kap. 3460)	
	01	Driftsutgifter, forhøyes med.....	900 000
		fra kr 21 493 000 til kr 22 393 000	
466		Særskilte straffesaksutgifter m.m. (jf. kap. 3466)	
	01	Driftsutgifter, nedsettes med	40 000 000
		fra kr 613 178 000 til kr 573 178 000	
468		Kommisjonen for begjæring om gjenopptakelse av straffesaker (jf. kap. 3468)	
	01	Driftsutgifter, forhøyes med.....	975 000
		fra kr 9 697 000 til kr 10 672 000	
470		Fri rettshjelp (jf. kap. 3470)	
	70	Fri sakførsel, nedsettes med	5 000 000
		fra kr 376 568 000 til kr 371 568 000	

Kap.	Post	Formål	Kroner
	71	Fritt rettsråd, nedsettes med..... fra kr 228 394 000 til kr 183 394 000	45 000 000
	72	Tilskudd til spesielle rettshjelpiltak, nedsettes med fra kr 20 265 000 til kr 19 265 000	1 000 000
471		Statens erstatningsansvar	
	70	Erstatning til voldsofre, <i>overslagsbevilgning</i> , forhøyes med..... fra kr 102 336 000 til kr 117 336 000	15 000 000
	71	Erstatningsansvar m.m., <i>overslagsbevilgning</i> , forhøyes med fra kr 79 904 000 til kr 104 904 000	25 000 000
(NY)	74	Erstatning til etterlatte etter de omkomne i Mehamn-ulykka, kan overføres, bevilges med	8 750 000
472		Administrasjon av særskilte erstatningsordninger m.m. (jf. kap. 3472)	
	01	Driftsutgifter, forhøyes med	1 000 000
		fra kr 24 301 000 til kr 25 301 000	
474		Konfliktråd (jf. kap. 3474)	
	01	Driftsutgifter, forhøyes med	600 000
		fra kr 41 744 000 til kr 42 344 000	
475		Bobehandling	
	01	Driftsutgifter, nedsettes med..... fra kr 50 403 000 til kr 40 403 000	10 000 000

Inntekter:

Kap.	Post	Formål	Kroner
3410		Rettsgebyr (jf. kap. 410)	
	01	Rettsgebyr, forhøyes med	60 000 000
		fra kr 1 109 288 000 til kr 1 169 288 000	
5630		Aksjer i Norsk Eiendomsinformasjon as	
	80	Utbytte, forhøyes med	3 560 000
		fra kr 6 800 000 til kr 10 360 000	
3440		Politidirektoratet - politi- og lensmannsetaten (jf. kap. 440)	
	01	Gebyrer, forhøyes med	10 000 000
		fra kr 470 040 000 til kr 480 040 000	
	04	Gebyrer - vaktelskap, nedsettes med	500 000
		fra kr 1 007 000 til kr 507 000	
	06	Gebyrer - utlendingssaker, forhøyes med	6 000 000
		fra kr 54 700 000 til kr 60 700 000	
	07	Gebyr - sivile gjøremål, nedsettes med	250 000 000
		fra kr 853 921 000 til kr 603 921 000	
3470		Fri rettshjelp (jf. kap. 470)	
	01	Tilkjente saksomkostninger m.m., forhøyes med	1 000 000
		fra kr 2 000 000 til kr 3 000 000	
3474		Konfliktråd	
	02	Refusjoner, forhøyes med	600 000
		fra kr 1 000 000 til kr 1 600 000	